


證治準繩

幼科集之二

漢書門	一二五	四八
類號	二〇八	一〇
架冊	一	八〇

內閣文庫	漢書
類號	二〇八
架冊	一〇

內閣文庫	
番號	漢 12548
冊數	80 (47)
函號	301 61



經書

服半錢或一錢用薑汁茶清調下發汗薑葱薄荷水煎併投三服取効

經治驚風墜涎天南星壹箇重壹兩者換酒浸七伏

時取出新瓦上炭火炙乾烈地上去火毒搗末入

朱砂貳錢半研為細末每服五分荆芥湯空心及

午時各調下一服

田天麻防風丸 治小兒驚風身熱喘急多睡驚悸

搐掣神昏痰涎不利等證

天麻

防風

人參

各壹兩

蝎尾

去毒半兩

甘草

硃砂

通治急慢驚風

幼科二

八三

雄黃

牛黃

麝香 各壹錢

僵蠶 炒半兩

右為末煉蜜丸如櫻桃大硃砂為衣每服薄荷湯
下一二丸

雲七味羌活膏治急慢驚風壯熱

羌活

獨活

天麻

全蝎 去毒

人參

殭蠶 炒各半兩

烏蛇肉 酒浸壹宿焙乾壹兩

右為末煉蜜和丸如皂子大每兩作五十九丸每服
一丸荆芥湯下

經治小兒驚風全蝎一錢不去頭尾用薄荷葉裹炙

乾同研為末作四服白湯下

衍治小兒驚風殭蠶蝎稍等分天雄尖附子尖共一

錢炮過為末每調一字薑湯調下

難症
藥者
藥乳

羅小兒驚風釀乳方用白羊頭一箇丁香同熬至熟
乳母空心盡食之

丹孫女因胎中受濕熱日午發搐唇黑面青每日作
一次未半週難與藥且釀乳飲之

白朮

陳皮

半夏

芍藥

青皮 各伍分

人參

驚通治急慢驚

力十二

八

川芎

甘草 多壹錢

木通 各叁錢

黃連 貳錢

右分八服薑五片與乳母煎服

痰積
痲者
攻積

小兒急慢驚風發熱口瘡手足伏熱痰熱痰喘痰嗽
並用涌法重劑以瓜蒂散輕劑苦參赤小豆末酒
酸齋汁調服之後用通神散蜜丸服之間以桑牛
陰乾研末調服以平其氣

本福銀丸 治小兒急慢驚風積痲

青黛 叁錢

水銀 一皂角子大同
黑鉛錫炒砂子

寒食麵

黃明膠 炒焦為末
各貳錢 輕粉 炒
壹錢

雄黃

粉霜

硃砂 各壹
兩

巴豆 貳拾壹
粒去油

腦麝 少許

右研細滴水為丸如麻子大捏匾曝乾瓷盒盛之
壹歲壹丸隨意加減煎棗子湯送下不得化破

博治急慢驚風乳香甘遂各半兩同研細每服半錢
用乳香湯調下或用童便調下尤妙

劫風膏 治急慢驚搐臍風撮口牙關緊閉痰涎壅

盛咽喉腫痛

葳靈仙 去蘆壹兩半細
剉焙研為末

右用皂莢叁兩去皮弦槌損挪溫水壹盞絹濾過

慢火熬若稀糊入醇醋半兩再熬三五沸去火候
冷用前藥末亭分乳鉢內杵勻丸芡實大先用鹽
梅肉擦牙根次以此膏壹丸或貳丸溫白湯濃調
抹入左右牙關內卽開續進別藥熬時得瓦噐為
止銀噐尤佳及解風痰壅盛淡薑湯調化無時少
與含嚥咽喉腫痛溫茶清調下或薄荷湯

以上諸方通治急慢驚風蓋謂虛實兩見急慢互
出故有通治之法合而言之急慢雖異皆本之於
痰故礞石星半之屬通能治之者也分而言之礞
石之屬瀉痰青黛之屬瀉木硃砂之屬瀉火皆治

氣實之劑參茸之屬補土天麻全蝎之屬補木烏
附之屬補火又皆治氣虛之劑故補瀉兼施虛實
通治之法也

霹靂散 解急慢驚風不省人事

豬牙皂角 叁錢 細辛 川芎

白芷 叁味各 貳錢 躑躅花 壹錢半

右剉晒為末每以少許用大燈心叁寸長蘸點鼻
內得噴嚏為驗前藥不可焙焙則不應

目睛 薛目者肝之竅也肝膽屬風木二經兼為
相火肝藏血血不足則風火内生故目睛為之瞤動

經曰曲直動搖風之象也宜用四物益其血柴胡山
梔清其肝陰血內榮則虛風自息矣若因肝經血燥
而自病者用六味丸以滋其源因肺金尅肝木者用
瀉白散以平金邪若眼眶瞤動者肝木乘脾土也用
抱龍丸若愈後驚悸不寐或寐中發搐咬牙目睛瞤
動者血虛不能榮筋脉也用補中益氣湯或歸脾湯
加茯苓五味蓋有餘者邪氣實也不足者真氣虛也
凡病氣有餘當認為不足此證兼屬肝脾多為慢驚
之漸

唇口蠕動 薛唇為脾之華口乃脾之竅又陽明之脉

環唇口而交人中陽明胃也是以脾胃虛者多有此
證不獨病後而已夫脾主涎脾虛則不能收攝多兼
流涎或誤認為痰而用祛逐之藥則津液益枯不能
滋養筋脉遂致四肢抽搐病勢愈甚原其治法與慢
脾風相同當用大補脾胃之藥加升麻柴胡切勿用
青皮龍膽草之類兼察其色黃者脾弱也青者肝勝
也青黃不澤木來尅土也青赤相兼木火風熱也黑
為寒水反來侮土白為氣虛亡陽凡此宜用六君子
湯加小柴胡湯若四肢微搐或潮熱往來或泄瀉嘔
吐面色痿黃皆脾胃有傷也宜用白朮黃芪川芎當

歸人參陳皮肉豆蔻神麩乾葛白芍藥黃連炙甘草
白茯苓以補胃氣若脾胃虛弱者用五味異功散虛
寒加木香炮薑若脾氣下陷者用補中益氣湯以升
其陽作渴者用七味白朮散以生津液若肝木侮脾
者用補中益氣湯加茯苓半夏芍藥以制肝補脾

目直視

小兒忽然驚搐目直者皆肝之風熱也若
肝虛生風則目連劄而不搐及多欠咬牙若肝經風
實則目直大叫呵欠項急頓悶若肝經有熱則目直
視不搐得心熱則搐氣熱則外生氣溫則內生其證
手尋衣領及亂捻物宜用瀉青丸壯熱飲水喘悶宜

用瀉白散凡病之新久皆能引肝風風內動則上入
於目故目爲之連劄若熱入於目牽其筋脉兩眦俱
緊不能轉視故目直也亦有飲食停滯中焦致清陽
不升濁陰不降肝木生發之氣不得升致生虛風者
須詳審之若胸滿腹痛嘔吐惡食輕則消導化痰重
則探吐滯積更須審其所傷寒物熱物亦有因感冒
吐瀉致使土敗木侮而生虛風者不可遽服驚藥宜
用六君子加芍藥木香柴胡制肝補脾若因脾土虛
而自病者用五味異功散凡飲食停滯痰涎壅滿而
見驚證者實因脾土虛弱不能生金金虛不能平木

故木邪妄動也宜健脾消食其證自愈若輒用驚風之藥反成其風而益其病也况臟腑脆嫩不可投以峻厲之劑治者慎之

睡中驚動 薛小兒睡中驚動由心腎不足所致蓋心主血與神肝藏血與魂肺主氣與魄腎主精與恐小兒臟腑脆弱易為驚恐則氣下驚則心無所依神無所歸且夫人之神氣寤則行於目寐則棲於腎今心腎既虛則不能寧攝精神故睡中驚動也治宜清心安神用茯苓補心湯加酸棗仁茯神五味子亦有驚嚇而作者因擊動其肝故魂不安也治宜鎮驚定

魂用安神鎮驚丸若飲食間因驚而停滯者用六君子加神麴厚朴食既消而驚未定用茯苓補心湯若木火太過而心神不寧者用導赤散風熱相搏者用柴胡梔子散食鬱生痰驚動不安者用四君以健脾神麴半夏以化痰山梔芍藥以清熱

目動咬牙 薛小兒驚後目微動咬牙者皆病後亡津液不能榮其筋脉也亦有肝經虛熱而生風者當審其氣血有餘不足而治之其日中發熱飲冷而動者氣有餘也用瀉青丸夜間盜汗及睡不寧而動者血不足也用地黃丸或因肝經風邪傳於脾腎者亦令

咬牙先用柴胡清肝散次用五味異功散六味地黃丸若因脾胃虛熱用補中益氣湯加芍藥山梔實熱用瀉黃散蓋牙牀屬手足陽明故也若肝腎熱用六味地黃丸

泄瀉 小兒驚瀉者肝主驚肝木也盛則必傳尅於脾胃土既衰則乳食不化水道不調故泄瀉色青或兼發搐者蓋青乃肝之色搐乃肝之證也亦有因乳母脾虛受驚及怒動肝火而致者經曰怒則氣逆甚則嘔血及飧泄法當平肝補肺慎勿用峻攻之藥脾氣益虛肝邪彌甚甚至抽搐反張者亦肝火熾盛中

州虧損之變證也凡見驚證即宜用四君六君異功散等方加白附子定風柴胡平肝引經以杜漸則必不至瀉搐而自安矣今已見瀉吐驚搐尚不知補脾平肝以保命抱龍鎮驚等藥治之其亦去生遠矣

腹痛 蟬蛻釣藤飲 治肚疼驚啼

釣藤鈎

天麻

茯苓

川芎

白芍藥

各參錢

甘草

蟬蛻 各壹兩

右入燈心水煎服

煩渴 閻氏云驚風或泄瀉等證煩渴者皆津液內耗

也不問陰陽宜煎錢氏白朮散使滿意取足飲之彌多彌好

清心丸 治驚熱煩躁

人參 茯神 防風

朱砂 柴胡 各參錢 金箔 參拾片

右為末煉蜜丸如桐子大每服一二丸竹瀝調下

神芎丸 治風熱壅滯頭目昏眩口舌生瘡牙齒疳

蝕或遍身瘡疥咬牙驚惕怔忡煩躁作渴或大便

澀滯或積熱腹滿驚風潮搐等證

大黃 生 黃芩 各貳兩 生牽牛末 壹兩

滑石 肆兩 黃連 薄荷葉

川芎 各半兩

右為末水糊丸桐子大每服三四丸溫熱水下

潮熱似瘧 曾又有急驚天釣之後變作潮熱手足逆

冷有似瘧疾蓋因病瘡之時不善將護外感風邪乘

虛而入於經絡再未解散以致如此經曰重陽必陰

又曰亢則害承乃制此其義也宜服柴胡加桂湯及

當歸散氣實者則以烏犀丸水晶丹略與通利勻氣

散止補後以參苓白朮散調理自然平癒此證所用

藥品間使苦寒之味務在消陽盛之火肺金得勝肝

木自平而風邪亦散斯為良法

柴胡加桂湯 見傷寒

當歸散 見痢

烏犀丸

水晶丹 並見癰積

勻氣散 見腹痛

參苓白朮散 見泄瀉

雜證類驚

海藏云心神不安四君子加辰砂半分棗

湯調下

又有一證欲發瘡疹先身熱驚跳或發搐

稍此非驚風當用發散藥

曾暑風一證因夏月感

冒風熱太甚致面垢唇紅脉沉細數忽發驚搐不省

人事治用消暑清心飲辰砂五苓散及琥珀抱龍丸

自安切勿以溫劑調補

消暑清心飲 解伏熱中暑煩躁作渴神氣不清及

有驚搐名暑風證投之即効

香薷 去老梗

澤瀉 去麤皮 各壹兩

扁豆 炒熟去 殼研

淨黃連

羌活

猪苓 去皮

厚朴 去粗皮薑 汁浸透炒

白朮

乾葛

赤茯苓 去皮

升麻

川芎 各半

甘草 叁錢

右剉每服二錢水一盞煎七分無時帶涼服治暑

風證先投此劑得効次服却暑丹其搐不發矣

薛氏於急慢驚癇之外又出驚風一證其候虛惕怔

仲氣怯神散痰涎來去泄瀉色青蓋驚之輕而虛者也若驚入心則面赤夜啼用梔子清肝散加黃連入肝則面青眼竄用柴胡清肝散入脾則面黃嘔吐虛汗嗜卧用六君加柴胡山梔入肺則面白喘急用異功散加柴胡桔梗入腎則面黑齧妳咬牙用六味地黃丸若因乳母恚怒肝火或膏粱積熱遺兒為患或兒吐瀉傷脾清氣不升風木陷入太陰傳變等因皆能致此當隨主治否則必成慢脾也須預慎防為善

針灸 小兒急驚灸前頂二穴三壯取法在百會前一寸若不愈灸兩眉心及鼻下人中一穴炷如小麥大

小兒慢驚灸尺澤穴各三壯在肘中橫紋約上動脈中炷如小麥大 若睡中驚掣灸足大指次指之端去爪甲如韭葉許各一壯 若角弓反張身強灸鼻上入髮際三分三壯次灸大椎下節間三壯 若睡中驚不合眼目灸屈肘後橫紋中三分各一壯

錢 咬牙甚者發驚 目直面青身反折者生驚 呵欠面青者驚風 呵欠面黃者脾虛驚 目赤兼青者發搐

驚癇發搐男發搐目左視無聲右視有聲女發搐目右視無聲左視有聲相勝故也更有發時證

潔古先生云男

有聲

卷之二

九

為木故左視木位無聲右視金位相擊則有聲女為金故右視金位無聲左視木位亦相擊有聲

李寺丞子三歲發搐自卯至巳目右視大叫哭錢見曰此逆也男為陽本發左視無聲則順右視有聲則逆所以然者左肝木也右肺金也逆則二臟相戰金木相擊而有聲也治宜瀉強補弱假令女發搐目左視是肺來乘肝肝不能任故叫哭也當瀉其肺後治其心續治其肝若病在秋時日西肺兼旺位當大瀉其肺若病在春時早晨此肝旺之時尚不能勝肺是肺強而肝火弱也當補其肝腎大瀉其肺若男發搐目右視是肝來勝肺而叫哭當瀉其肝心若病在春夏早晨

其中肝心旺時當大瀉其肝若病在秋冬時日補此肺旺之時尚不能勝肝是肝強而肺極虛也當補其肺大瀉其肝所以言目反視者乃肝主目也凡搐則是風熱相搏於內風屬肝故外見於目也今此病男反女證故稍易治於女也先瀉其肺以瀉肺湯主之二日不悶亂知病退也後用地黃丸補腎三服後用瀉青丸各二服以瀉心肝五日而愈 又肺虛不瀉者何也曰假令男目右視木克金肝旺勝肺而但瀉肝若更病在春夏金氣極虛故當補其肺慎勿瀉也湯凡搐男左女右為順易治男右女左為逆難治

有聲

卷之二

九

脈訣啓蒙曰小兒脈促急爲虛驚 直指云浮數洪
緊爲急驚 沉遲散緩爲慢驚 虎口脈紋青紫爲
驚風 紅者風熱輕 赤者風熱盛 紫者驚熱
青者驚積 青紫相半驚積風熱俱有主急驚風
青而淡紫伸縮來去主慢驚風 紫絲青絲或黑絲
隱隱相雜似出而不出主慢脾風 形勢灣入裏者
順 出外者逆

不治證 搐而不休休而再搐 驚叫發搐 汗出足
冷 痰滿胸喉 口開目直

急驚眼睛翻轉口中出血兩足擺跳肚腹搐動或神
緩而摸體尋衣或證篤而神昏氣促噴藥不下通關
不嚏心中熱痛忽大叫者不治 慢驚四肢厥冷吐
瀉咳嗽面黯神慘鴉聲胃痛兩脇動氣口生白瘡髮
直搖頭眼青不轉涎鳴喘溢頭軟大小二便不禁手
足一邊牽引者皆爲不治 慢脾身冷粘汗直卧如
尸喘嗽頭軟背直口噤搖頭痰如牽鋸之聲面無潤
澤之色縮唇氣粗者不治

禁忌 治小兒急驚方搐不用驚擾此不足畏慢驚雖
靜乃危病也急驚方搐時但扶持之不可擒捉蓋風
氣方盛恐流入筋脈或至手足成拘攣也

心虛驚悸
心虛驚悸者心動而怔忡也二者因心虛血
少故健忘之證隨之用四物安神之類丹溪謂亦有
屬痰者宜用溫膽湯加辰砂遠志之類若思慮便動
虛也用養心湯時作時止痰也用茯苓丸觸事易驚
心膽虛怯也用溫膽湯卧驚多魘血不歸源也用真
驚而對豐草水如驚而怔忡者宜用藥不可不
驚而對豐草水如驚而怔忡者宜用藥不可不
驚而對豐草水如驚而怔忡者宜用藥不可不
驚而對豐草水如驚而怔忡者宜用藥不可不

驚馬悸

薛人身有九藏心藏神肝藏魂二經皆主於血血虧
則神魂失寧而生驚悸也經曰東方青色入通於肝
其病發驚駭又曰二陽一陰發病主驚駭驚者心卒
動而恐怖也悸者心跳動而怔忡也二者因心虛血
少故健忘之證隨之用四物安神之類丹溪謂亦有
屬痰者宜用溫膽湯加辰砂遠志之類若思慮便動
虛也用養心湯時作時止痰也用茯苓丸觸事易驚
心膽虛怯也用溫膽湯卧驚多魘血不歸源也用真

驚悸

九

九

珠母丸夢寐不寧肝魂失守也用定志丸恐懼不能
獨處膽氣虛冷也用茯神湯睡卧煩躁膽氣實熱也
用酸棗仁丸眩運驚悸風痰內作也用本事辰砂遠
志丸思慮鬱結脾虛氣滯用歸脾湯前證雖曰屬心
與肝而血之所統實主於脾脾之志曰思思慮多則
血耗損而不能滋養於肝心者脾使之也思慮內動
未嘗有不役其心者夫心爲君火之藏十二官之主
也夫君之德不怒而威無爲而治故宜鎮之以靜謐
戒之以妄動動則相火翕合煽爍陰精精血旣虧則
火空獨發是以驚悸怔忡之所由生五志之火心所
不能制者矣故治脾者不可不知養心養心者不可
不知鎮靜而寡慾然人孰無思也思之正則無妄動
之慾矣朱子曰必使道心常爲一身之主而人心每
聽命焉此善養於心者也

溫膽湯 治心膽虛怯觸事易驚或夢寐不祥遂致

心驚膽懾氣鬱生涎涎與氣搏變生諸證或短氣
悸之或復自汗膽虛不能制脾則脾之水飲作矣

半夏

湯洗

竹茹

枳實

炒

橘皮

去白各
貳兩

甘草

炙壹
兩

白茯苓

壹兩
半

右每服四錢水一盞半薑五片棗一枚煎七分食

前服
寧志丸 治心虛多驚若有痰宜吐之

人參 白茯苓 茯神

栝子仁 琥珀 當歸

酸棗仁 溫酒浸半日去殼 遠志 炒各半兩

乳香 朱砂 石菖蒲 各參錢

右為末蜜丸桐子大每服三十九食後棗湯下

茯神散 治五藏氣血虛弱驚悸怔忡宜用此安神

定志

茯神 去木 人參 龍齒 另研

遠志 去心 桂心 防風

獨活 酸棗仁 細辛

白朮 炒各參錢 乾薑 炮參兩

右為末每服四五錢水煎服蜜丸亦可

治要茯苓補心湯 治心氣不足喜悲愁怒衄血面

黃五心煩熱或咽喉間痛舌本作強

茯苓 肆錢 桂心 甘草 炒各參分

紫石英 煨 人參 麥門冬 去心各壹錢

大棗 貳枚

右水煎服

卷之

方

七

茯神湯 治膽氣虛冷頭痛目眩心神恐畏不能獨處胸中煩悶

茯神 去木

酸棗仁 炒

黃耆 炒

梔子仁 炒

白芍藥 炒

五味子 杵炒

桂心

熟地黃 自製

人參 各壹兩

甘草 伍錢

右每服五錢薑水煎

酸棗仁丸 治膽氣實熱不得睡卧神志不安驚悸

怔忡

茯神 去木

酸棗仁 炒

遠志 去心

栝子仁 炒

防風 各壹兩

枳殼 炒

生地黃 杵膏各半兩

青竹茹 貳錢伍分

右為末蜜丸梧子大每服七八十九滾湯下

定志丸 治心神虛怯所患同前或語言鬼恠喜笑

驚悸

人參

茯苓 各壹兩伍錢

菖蒲

遠志 去心各壹兩

右為末蜜丸如梧子大每服七八十九滾湯下

治要茯苓散 治心經實熱口乾煩渴眠卧不得心

神恍惚

茯神 麥門冬各壹兩半 通草

升麻各壹兩 貳錢半 紫苑 桂心各柒錢 伍分

知母壹兩 大棗拾貳枚 淡竹茹伍錢

赤石脂壹兩柒錢 伍分

右每服壹兩水煎

朱雀丸 治心病怔忡不止

白茯苓貳兩 沉香半兩

右為末蜜丸小豆大每服三十丸人參煎湯下

世傳蜜陀僧散 治驚氣入心絡不能語者昔有人

為狼及犬蛇所驚皆以此而安

蜜陀僧研極細末如粉

右茶清調一錢匕

丹溪朱砂丸 治勞役心跳

朱砂 當歸身 白芍藥

側柏葉各參錢 川芎 陳皮

甘草 黃連炒各壹錢半

右用豬心血為丸粟米大每服百丸龍眼湯下

本事辰砂遠志丸 消風化痰鎮心安神

人參 石菖蒲去毛 遠志去心

茯神各壹兩 川芎 山藥

白附子

麥門冬

細辛

鐵粉

辰砂各伍錢

右為末用生薑汁入水糊丸棗豆大以朱砂為衣
每服一二十九臨睡生薑湯下

加味歸脾湯去丹皮山梔即歸脾湯 治脾虛弱損

健忘驚悸等證

人參

黃耆

茯神去木各壹錢

甘草伍分

白朮炒壹錢

木香伍分

遠志去心

酸棗仁炒研

龍眼肉

當歸

牡丹皮

山梔炒各壹錢

右水煎服

愚按前方若乳母憂思傷脾血虛發熱食少體倦
或脾虛不能統攝以致陰血妄行或健忘怔忡驚
悸少寐或心脾作痛自汗盜汗或肢體腫痛大便
不調或婦人經候不調哺熱內熱或蠶唇流注等
證致兒為患者令子母俱服之
辰砂膽星膏 治小兒痰熱氣熱氣急喘嗽驚悸不
安

辰砂壹錢

牛膽南星壹兩

琥珀

青礞石末各壹錢

天竺黃貳錢

甘艸伍分

麝香 少許

右為細末煉蜜丸如芡實大每服半丸不拘時生薑湯化下

木通散 治小兒肝心有熱驚悸用此藥瀉肝風降心火利驚熱

羌活

山梔子

各貳錢

大黃

煨

木通

赤茯苓

甘艸

各壹錢

右剉每服二錢入紫蘇葉些少水一盞煎至五分不拘時服

癇

嬰驚癇即急慢之證但驚癇發時仆地作聲醒時吐沫急慢驚則不作聲不吐沫也 仁齋曰癇小兒之惡候也蓋小兒血脈不斂氣骨不聚為風邪所觸為乳哺失節停結癖積而得之其候神氣怫鬱瞪眼直視面目牽引口噤涎流腹肚脹膨手足搐掣似死似生或聲或啞或項背反張或腰脊強直但四體柔弱發而時醒者為癇若一身強硬終日不醒則為瘖證矣

陰陽一癇陽癇初作時病先身熱痰涎驚啼叫噉而後發脉浮者爲陽癇乃急驚也內在六腑外在皮膚爲易治若病先身冷不驚痰不啼呼而作脉沉者爲陰癇乃慢驚也此病內在五藏外在骨髓劇者難治曾陽癇者因感驚風三次發搐不與去風下痰則再發然三次者非一日三次也或一月或一季一發驚搐必經三度故曰三次所謂驚風三發便爲癇卽此義也其病主身熱自汗兩目上視嚼沫齧牙手足掣搦面色紅紫六脉浮數以百解散加五和湯水煎疎解次下痰用水晶丹或半夏丸陰癇者因慢

驚後去痰不盡痰入心包而得四肢逆冷吐舌搖頭口嚼白沫牙關緊閉但不甚驚搐作啼面色或白或青脉息沉微故嬰孩寶書云睡中吐舌更搖頭正此之謂治以固真湯加曰生湯同煎調寬氣飲和解

風驚食一癇千金云小兒之癇有三風癇驚癇食癇也風癇緣衣煖汗出風因入也初時先屈指如數物乃作驚癇起於驚怖大啼乃作食癇其先不哺乳吐而變熱後發然風癇驚癇時時有之十兒之中未有一二凡是先寒後發熱者皆食癇也驚癇皆按圖灸之風癇當以豬心湯食癇當下乃愈紫霜丸佳按

此論三癇蓋有三因之分風癇屬外因驚癇屬內因食癇屬不內外因也又按全嬰方云風癇因將養失度血氣不和或厚衣汗出腠理開舒風邪而入之其病在肝肝主風驗其證目青面紅發搐宜驅風膏大青膏琥珀散鎮驚藥有熱四順飲退後與利驚丸下其痰涎驚癇因血氣盛實臟腑生熱或驚怖大啼精神傷動外邪所入爲之其病在心心主驚驗其證忽然叫聲發搐宜琥珀散紅龍散鎮心丸有熱四順飲利驚丸下之不生別病也食癇其病在脾脾納食驗其證嘔吐酸氣卽發搐此病或大便酸臭紫丸子下之已上三證大同小異並屬陽也各目睛斜手足潮搐或作豬聲發過卽差皆十生一死也

五藏癇 三因云古方有五癇五藏癇六畜癇等名證不同難於備載別錄有五癇之證一曰馬癇作馬嘶鳴以馬屬在午手少陰君火主之故其病應於心二曰羊癇作羊叫聲以羊屬未足太陰濕土主之應乎脾三曰雞癇作雞叫聲以雞屬酉足陽明燥金主之應乎胃四曰豬癇作豬叫聲以豬屬亥手厥陰心包主之應乎右腎五曰牛癇作牛吼聲以牛屬丑手太陰濕土主之應乎肺此五癇應乎五畜應乎五藏者

也發則旋暈顛倒口眼相引目睛上搖手足搐搦背脊強直食頃乃甦各隨所感施以治法 錢凡治五癇皆隨臟治之每臟各一獸犬癇反折上竄犬叫肝也羊癇目瞪吐舌羊叫心也牛癇目直視腹滿牛叫脾也雞癇驚跳反折手縱雞叫肺也豬癇如尸吐沫豬叫腎也五癇重者死病後甚者亦死輕者五色丸主之 薛面赤目瞪吐舌齧舌心煩氣短其聲如羊者曰心癇 面青唇青兩眼上竄手足攣掣反折其聲如犬者曰肝癇 面黑目振吐涎沫形體如尸其聲如猪者曰腎癇 面如枯骨目白反視驚跳反折搖頭吐沫其聲如雞者曰肺癇 面色痿黃目直腹滿自利四肢不收其聲如牛者曰脾癇 五癇通用五色丸爲主仍參以各經之藥 心癇屬血虛者用養心湯發熱飲冷爲實熱用虎睛丸發熱飲湯爲虛熱用妙香散 肝癇者虛證用地黃丸抽搐有力爲實邪用柴胡清肝散大便不通用瀉青丸 腎癇者用地黃丸紫河車丸之類腎無瀉法故徑從虛治之 肺癇者屬氣虛用補肺散面色痿黃者土不能生也用五味異功散面色赤者陰火上衝於肺也用地黃丸 脾癇者用五味異功散若面青瀉利飲食少

思用六君子加木香柴胡 按千金叙六畜癩無五
藏之分屬錢氏始分之而無馬癩一證曾氏謂初發
作羊犬聲者咽喉爲風痰所梗聲自如此其理甚明
言六畜者特強名耳故丹溪謂於經既無所據而治
法亦未見有五者之分所以不必分五也

治法 仁齋曰大槩血滯心竅邪氣在心積驚成癩通
行心經調平血脉順氣豁痰乃其要也假令小兒有
熱有痰不欲乳哺眠睡不安常常驚悸此皆發癩之
漸卽以紫霜丸導之方見變時間量與紫霜丸減其
盛氣則無驚風癩釣之患癩證方萌耳後高骨間必

有青紋紛紛如線見之則爲爪破須令出血啼叫尤
得氣通諸癩發不能言者蓋咽喉爲氣之道路風傷
其氣以掩聲音道路之門抑亦血滯於心心竅不通
所致耳南星炮爲末雄豬膽汁調和少許啖之輒効
若夫錢氏五癩丸并南星散以菖蒲煎湯調下甘遂
豬心湯和蘇合香丸一丸皆治癩之要藥也 **劉小**
兒神尚弱驚則神不守舍舍空則痰涎歸之或飲食
失節脾胃有傷積爲痰飲以致痰迷心竅而作者治
法當尋火尋痰而前人多用鎮墜清心之藥固可以
治熱可以清痰若有頑痰膠固者此藥未易驅逐在

癩

癩

癩

上者必用吐吐後方宜服此藥有痰實在裏者亦須下之隨病輕重而用之也

聲煎大黃荆芥湯下五色丸 潮熱有時積熱也桃

枝丸主之方見積熱壯熱不退當用地骨皮散方見潮熱下五

色丸 風熱當用防風黃芩湯下大青膏 身溫不

熱當用白虎湯加蒼朮下五色丸 薛此皆元氣不

足之證須以紫河車即小兒胞衣丸為主而以補藥佐之

設若泛行尅伐復傷元氣則必不時舉發久而變危

多至不救 一老人生子方週歲秋初暴冷忽發搐

似驚癇過則氣息淹淹此元氣虛弱所致與補中益

氣湯而愈 一小兒十歲一小兒七歲各有癇證歲

發二次後因出痘及飲食停滯舉發頻數用六君子

補中益氣二湯而愈 一小兒患前證每發吐痰困

倦半餉而甦諸藥不應年至十三而頻發用紫河車

生研爛入人參當歸末丸桐子大每服三五丸日

進三五服乳化下一月漸愈又佐以八珍湯全愈

一小兒七歲發驚癇每作先君令其恣飲人乳後發

漸疎而輕至十四歲復發仍用人乳不應余令用肥

厚紫河車研爛入乳調如泥日服二三次至數具而

愈後常用加減八味丸而安至二十三歲發而手足

癩治法

癩

癩

厥冷仍用前法佐以八味丸十全大補湯而痊

通治五癩 錢氏五色丸

硃砂 研半兩

水銀 壹分

雄黃 熬壹兩

鉛 參兩同水銀熬

真珠末 研壹兩

右煉蜜丸如麻子大每服三四丸金銀薄荷湯下

三因六珍丹

雄黃

雌黃

未鑽珍珠 各壹兩

鉛 貳兩熬成屑

水銀 壹兩半

右研令極勻蜜丸桐子大每服三九至五九薑棗湯下須搗二三萬杵乃可丸

風癩 口議云先用化痰寬利胸膈開通關竅安鎮心神然後與治風癩藥服之又云先用化風丹去其風熱次服奪菟散定癩

散風丹 治小兒風癩先用此藥

牛膽南星 貳錢 羌活

獨活

防風

天麻

人參

川芎

荊芥穗

細辛 各壹錢

右為末煉蜜為丸如梧桐子大每服二丸用薄荷紫蘇湯不拘時送下

保安丸 治小兒諸風癩久後亦驗

癩

五靈脂

半兩

川烏

生用去皮尖貳錢半

右為末豬心血為丸如梧桐子大每服一丸用生

薑湯化下不拘時服

獨活湯 治小兒風癩解表通裏

獨活

麻黃

去節

川芎

各壹錢

大黃

甘草

炒各半錢

右剉碎每服二錢用水一鍾生薑二片煎至四分不拘時溫服

細辛大黃湯 治小兒風癩內熱

天麻

防風

各半兩

細辛

大黃

焙

川芎

各壹錢半

甘草

炙壹錢半

右剉碎每服二錢入犀角少許用水一鍾煎至四分不拘時服

牛黃丸 治小兒風癩迷悶抽掣涎潮

牛膽南星

全蝎

焙去毒

蟬殼

各貳錢半

防風

牛黃

白附子

生

直僵蠶

炒去絲嘴

天麻

各壹錢半

麝香

半錢

右為末以煮棗去皮核取肉和水銀半錢研極細次入藥末和丸如菉豆大每服三五丸用荆芥生薑煎湯送下不拘時服

癩風癩

癩風癩

癩風癩

化風丹 涼風化痰退熱定搐

牛膽南星 貳錢 羌活

獨活

天麻 防風

甘草

荆芥穗 人參

川芎 各壹錢

右件為末煉蜜為丸如皂子大每服一丸薄荷湯

化開服 一方有全蝎壹枚一方有細辛無甘艸

驚風 口議先涼三焦利驚去熱安神定志平調藏府

溫化痰涎然後與治驚癇藥服之

比金丹

人參 白茯苓

遠志 去心

山藥 辰砂

天麻

石菖蒲 川芎

甘草 各壹分

天南星 炮貳錢生薑汁製

麝香 壹分

右為細末煉蜜為丸皂子大每服一粒煎金銀薄

荷湯化下 一方有琥珀 貳錢 青黛 壹錢 無山藥

錢氏蛇黃丸 治驚癇因震駭恐怖叫號恍惚是也

蛇黃 真者三箇火煨醋淬 鬱金 末分一處為末 麝香 另入壹匙

右為末飯丸桐子大每服一二丸煎金銀磨刀水

化下

鎮驚丸 治小兒一切驚癇

鎮驚丸

刀斗二

百九

疳 卷之二

茯神 去木 鐵粉 遠志 去心薑製焙

紫石英 燒醋淬研 人參 去蘆 琥珀

滑石 蛇黃 煨醋淬 南星 炮各貳錢半

龍齒 熊膽 各半分 輕粉 參分

右為細末煉蜜為丸如梧桐子大硃砂為衣每服三五丸煎金銀湯磨化不拘時服

虎睛丸 治小兒驚癇邪氣入心

虎睛 細研 遠志 薑製焙去心 犀角 鎊

大黃 濕紙裹煨 石菖蒲 麥門冬 去心各貳錢半

蟻娘 參枚去足翅炒

右為細末粟米粉打糊為丸如梧桐子大每服五

七九竹葉煎湯磨化或金銀煎湯亦可不拘時服

七寶鎮心丸 治小兒驚癇心熱

遠志 去心薑製焙 雄黃 鐵粉

琥珀 各貳錢 硃砂 壹錢 金銀箔 肆片

麝香 少許

右為細末煮棗取肉為丸如梧桐子大每服三五

丸煎去心麥門冬湯化下不拘時服

清神散 治小兒驚癇

犀角 白蘚皮 石菖蒲

疳食癇 刀斗二

遠志

去心薑製焙

半夏

湯泡各貳錢半

茯神

牛兩

大黃

焙

人參

甘草

炙各壹錢半

右為末每服半錢煎去心麥門冬湯調不拘時服

食痢

妙聖丹

治小兒食痢通利

雄黃

蝎稍

硃砂

代赭石

煨醋碎

輕粉

麝香

各貳錢半

巴豆

參箇去皮出油

杏仁

去皮尖微炒貳錢

右為末蒸棗肉為丸如梧桐子大每服三五丸木

香煎湯磨化不拘時服

天麻丸

治小兒食痢有痰

南星

炮貳錢

白附子

炮

天麻

牙硝

川靈脂

全蝎

焙各壹錢

輕粉

半錢

巴豆霜

去油貳錢半

右為末稀麩糊為丸如麻子大每服十丸用薄荷

煎湯或薑湯送下亦可不拘時服

清鎮

蛇黃散

治小兒諸痢

蛇黃

壹箇煨醋淬七次研細

鬱金

雄黃

各貳錢

青礞石

硃砂

各壹錢

鐵粉

篩淨細研叁分

右為末搗粳米飯為丸如梧桐子大每服三五丸

痛

人參煎湯磨化不拘時服

地龍散 治小兒諸癩發歇無時

乾地龍 半兩 焙 虎睛 壹對 炙

人參 貳錢 半

金銀箔 參拾 片 天竺黃 硃砂

代赭石 煨醋 淬 鐵粉 各貳 錢半 雄黃 壹錢 半

輕粉 半錢

右為末每服半錢紫蘇湯調不拘時服

龍腦安神丸

茯苓 參兩 人參

地骨皮

甘草 麥門冬

桑白皮 各貳 兩

馬牙硝 貳錢 龍腦

麝香 各參 錢

牛黃 半兩 硃砂 貳錢

烏犀 壹兩

金箔 參拾 伍片

右為細末煉蜜為丸如彈子大金箔為衣如風癩

冬月溫水化下夏月涼水化下不以時二三歲者

日進二服小兒一丸分二服虛勞發熱咳嗽新汲

水下

奪菟散 定癩

白殭蠶 去絲炒令 黃色半兩

蛇含石 燒紅用 米醋淬

七八次 碾碎

白附子 炮各 貳分

生銀

白濁清鎮

刀十二

百七

痛

生金

牛黃如無以膽製
倍加用之

烏梢蛇頭

米捌寸
許酒炙

白茯苓

天麻

各貳錢

天南星

末壹分生薑
汁浸一宿焙

半夏

末貳錢薑汁
浸一宿焙

赤脚蜈蚣

壹條
酒浸

焦炙

犀角

鎊貳錢

腦子

少許

麝香

少許

右件為末蒸棗肉為丸如麻子大每服十九至十

五九二十九煎金銀薄荷湯下硃砂為衣

本草古鏡味辛無毒主驚癇邪氣小兒諸惡疾煮取

汁和諸藥煮服之彌古者尤佳

鋪

雌黃丸

治小兒癲癇欲發眼暗痰癥聲惡嚼

舌

雌黃

黃丹

各壹兩

麝香

研壹錢

右為末拌令極勻用牛乳汁半升熬成膏入前藥

末杵三五百下丸如菉豆大每服三丸溫熱水下

一日三服此方得自名醫之家極有神効

拔萃妙香丸

安神通關辟惡氣

辰砂

研玖兩

龍腦

膩粉

麝香

研各柒錢半

牛黃

半兩

金箔

玖拾片研

右合研勻煉蜜去蠟淨入沙蜜白者柒錢半同煉

補遺

切并一

百三

勻爲丸每兩作三十丸米飲化下

鎮心丸

硃砂

龍齒

牛黃各壹錢

鐵粉

琥珀

人參

茯神

防風

全蠋米管炙

右爲末燈心湯調下三歲一字

蜜陀僧散治心癩不語及諸驚失音用蜜陀僧爲末每服一匙米醋湯調下大人服一錢熱酒下

代赭石散 治陰陽癩

代赭石煨醋淬研爲末水飛過曬乾

右爲末每服半錢以金銀煎湯和金箔銀箔調連

進二服脚脛上有赤斑乃邪氣發出可治無赤斑

則難治

神應丹

辰砂不以多少研

右以豬心血和之得所以蒸餅裹劑蒸熟取出就丸如桐子大每服一丸後食臨卧煎人參湯下

清心牛黃清心丸 治小兒躁悶項背強直腰背反

張時發時醒

牛黃壹兩貳錢研

麝香研

龍腦另研

治

玄禾二

百五

羶羊角

末鑄各壹兩

當歸

去蘆

防風

去蘆

黃芩

麥門冬

去心

白芍藥

白朮

各壹兩半

柴胡

去苗

杏仁

去皮尖雙仁麩炒黃

研另

芎藭

各壹兩貳錢半

桔梗

阿膠

剉碎蛤粉炒

白茯苓

去皮

大豆卷

碎炒各壹兩柒錢半

肉桂

去麩皮

人參

去蘆

神麩

炒各貳兩半

甘草

炒傷錢

雄黃

捌錢另研飛

白歛

乾薑

各柒錢半

金箔

壹千貳百片入肆百片為衣餘入藥內另研

犀角

木貳兩

乾山藥

拾兩

大棗

壹百枚蒸熟去皮核爛研成膏入藥

右除棗杏仁及牛黃麝香雄黃龍腦四味另為細末入前藥和勻煉蜜與棗膏為丸每兩作十九用

金箔為衣每服一丸温白湯化下食後服小兒驚

癇即酌度多少以竹葉煎湯温温作

比金丸 虎睛丸 二方俱見前

清神湯

治驚癇

犀角

鑄

遠志

薑製焙

白蘚皮

石菖蒲

人參

甘草

炒各壹錢半

右為末每服五七分麥門冬煎湯調下

酸棗仁丸

見驚悸

前養心

方十一

百五

癩

卷之二

百五

養心

定志丸

見驚悸

養心湯

治心血虛怯驚癇或驚悸怔忡盜汗無寐

發熱煩躁

黃耆

白茯苓

茯神

半夏麴

當歸

川芎

辣桂

栝子仁

酸棗仁

五味子

人參 各參錢

甘草 炒肆錢

右每服一二錢薑棗水煎

妙香散

治心氣不足驚癇或精神恍惚虛煩少寐

盜汗等證

辰砂 叁錢

麝香 壹錢

木香 煨貳錢五分

茯苓

山藥

茯神

遠志

黃耆 炒各壹兩

桔梗

甘草

人參 各伍錢

右各另為末每服一錢溫酒或白湯調服

治痰

半夏丸

方見驚搖

星蘇散

治諸風口噤不語

天南星

略炮剉

右每服五七分薑四片紫蘇五葉水煎入雄豬膽

少許溫服

治痰

卷之二

百六

癩

癩

癩

治癩方 治太陽陽明二經為病

荊芥穗 肆兩

白礬 為經末 貳兩

右棗肉為丸如桐子大每服二十九荊芥湯下次
三十九四十九又次五十九俱食前

礬丹

號丹

晉礬 各壹兩

右丹塼鑿一窠可容二兩許先安丹在下次安礬
在上以炭五斤煨令炭盡取出細研以不經水豬
心血為丸如菉豆大每服十丸至二十九橘皮湯
下

元戎二白丸

白礬 壹塊約 壹兩

右用生蒸餅剉裹蒸熟去皮可丸入輕粉壹字或
半錢量虛實加減丸桐子大每服二三十丸生薑
湯下小兒丸小

硃砂滾涎散 治小兒五癩

硃砂

白礬 生用

赤石脂

硝石 各等分

右為細末研蒜膏為丸如菉豆大每服三十九食
後荊芥湯下

癩 治痰

癩

癩

琥珀壽星丸

天南星

壹箇掘坑用火煨燒坑紅出炭淨入好酒壹升在火穴中放入南星蓋穴勿令

通氣過一宿取出焙末

琥珀

肆兩

硃砂

貳兩半

右以豬心血打乾糊丸如桐子大每服五十九煎

人參湯送下

南星五生丸

南星

半夏

川烏

白附子

大豆

去皮各壹兩

右為細末滴水為丸每服二九至五九不過七九

薑湯下

斷癩丸 治小兒諸癩痰盛

皂角

盈尺者叁挺去皮槌碎水叁升浸收汁濾過磁器內熬成膏

白礬

煨枯研細壹兩

蝎梢

炒

直殭蠶

炒

雄黃

另研

硃砂

另研

白附子

各半兩

麝香

壹錢另研

烏蛇

酒浸取肉焙乾貳錢半

南星

濕紙裏炮熟壹兩

赤蜈蚣

壹條酒浸炙去頭足

右為末用水煮半夏糊和前項皂角膏為丸如梧

桐子大每服三五丸用生薑湯磨化不拘時服

定癩丸 治小兒五癩

赤脚蜈蚣

壹條去頭足酒浸炙

蝎梢

上去

飛

公和

百

烏蛇肉 酒炙 白附子 生

大南星 末

圓白半夏 末用薑汁和一宿各貳錢半

熊膽

白礬 新瓦上煨枯各壹錢貳分半

右為末稀麩糊為丸如梧桐子大硃砂為衣每服二三丸用薄荷煎湯磨化不拘時服

治小兒驚癇

膽星 貳兩

全蝎 去毒炒半兩

白附子

僵蠶 炒

川芎 各壹兩

薄荷 半兩

右為末粥丸青黛為衣每服一二丸薑湯下

吐痰碧穹丹

石綠 研九度飛拾兩

附子尖

烏頭尖

蝎稍 各伍拾箇

右為末入石綠令勻麩糊丸如雞頭每服用薄荷汁半盞化下一丸更以酒半合溫服之須臾吐出痰涎然後隨證治之

下痰控涎丸

川烏 生

半夏 各半兩

僵蠶 生薑汁浸一宿半兩

全蝎 去尖柴箇

鐵粉 叁錢

甘遂 貳錢半

右為末生薑自然汁或薄糊丸如菉豆大朱砂為衣每服十五丸薑湯下忌甘草

下痰

切十二

百

治小兒癩用甘遂末壹錢豬心壹箇取三管頭血叁條和甘遂末將豬心批作兩片入藥在內以線縛定外濕紙包裹入文武火煨熟不可過度取藥細研入辰砂末壹錢和勻分作四丸每服一丸豬心湯化下再服另取豬心煎湯此方神效

下劑 水晶丹 方見癖積

四順飲

五和湯 二方並見熱

利驚丸 方見驚搖

紫霜丸 方見變蒸熱

當歸大黃湯

治小兒諸癩作熱利下心中惡血

大黃 濕紙裏微煨

甘草 炙

當歸

赤芍藥 各錢

半夏 製

川芎 各錢

為末每服一錢或二錢水八分鍾煎四分無時服

表劑 百解散

大青膏 並見驚搖

驅風膏 為青加辰砂全蝎

溫劑 治陰癩宜之

固真湯

曰生湯 並見驚搖

茯神湯 方見驚悸

元戎小靈寶丹

附子 炮壹兩

天麻

全蝎

白僵蠶 炒

藿香葉

南星 炮

白附子 炮各半兩

右爲末酒糊丸桐子大温酒下一十五丸

羅謙甫治魏敬甫之子四歲從長老摩頂授記衆僧念呪因而大恐遂發驚搐痰涎壅塞目多白睛項背強急喉中有聲一時許方醒後每見皂衣人輒發多服硃犀龍麝鎮墜之藥四十餘日前證猶在又添行步動作神思如癡予診其脉沉弦而急黃帝鍼經云心脉滿大癩瘈筋攣又云肝脉小急癩瘈筋攣益小兒血氣未定神氣尚弱因而驚恐神無所依又動於肝肝主筋故癩瘈筋攣病久氣弱小兒易爲虛實多服鎮墜寒涼之劑復損其氣故添動作如癡內經云

暴攣癩眩足不任身取天柱穴是也天柱穴乃足太陽之脉所發陽蹻附而行也又云癩瘈瘖不知所苦兩蹻主之男陽女陰潔古云晝發治陽蹻申脉夜發治陰蹻照海先各灸兩蹻各二七壯次處沉香天麻湯

沉香

益智

川烏

炮去皮臍各貳錢

天麻

防風

半夏

湯泡

附子

炮去皮臍各叁錢

羌活

伍錢

甘草

炙一

當歸

薑屑

各壹錢半

獨活

肆錢

右咬咀每服五錢生薑三片水煎温服舉痛論云

痛

恐則氣下精怯而上焦閉又云從下上者引而去之以羌活獨活苦温味之薄者陰中之陽引氣上行又入太陽之經為引用故以為君天麻防風辛温以散之當歸甘草辛甘温以補氣血之不足又養胃氣故以為臣黑附子川烏頭益智仁大辛温行陽退陰又治寒客傷胃腎主五液入脾為涎以生薑半夏燥濕化痰十劑云重可去怯沉香辛温體重氣清去怯安神故以為使氣味相合升陽補胃恐怯之氣自得平矣

牛黃丸 治因驚中風五癇天釣客忤潮涎灌壅

白花蛇

酒浸取肉

白附子

全蠍

真川烏

壹枚半兩者生

天麻

薄荷葉

各半兩

味先為細末次入

雄黃

伍兩

辰砂

叁錢

腦子

另研半兩

牛黃

叁錢

麝香

壹錢

右為一處和勻麻黃去根貳兩酒壹升煎麻黃至一盞去麻黃用酒熬藥得所勿至焦赤眾手疾丸如芡實大密器盛之一丸作五服煎金銀薄荷湯磨化大能發散驚邪

治五癇得効方

露蜂房

焙

石綠

各壹兩

桂心

類

方

百

痛

遠志去心

人參各半

硃砂壹錢

右為末粥丸如桐子大每服二三十丸白湯下

補劑 斷癩丹

治癩瘡後復作連綿不除服之有驗

黃耆蜜水

釣藤鈎

細辛

甘草炙各半兩

蛇蛻皮貳寸酒炙

蟬蛻去土肆箇

牛黃壹錢另研

右為末煮棗肉丸麻子大煎人參湯下每服數丸

量兒加減

紫河車丸

紫河車即小兒胞衣肥厚者壹箇洗淨重湯蒸爛

研化入人參當歸末和勻為丸如芡實大每服五

六丸乳汁化下

八味地黃丸

即六味地黃丸加附子肉桂各壹兩

治稟賦命門火衰不

能生土以致脾土虛寒或飲食少思或食而不化

臍腹疼痛夜多漩溺等證經云益火之源以消陰

翳蓋謂此也或乳母命門火衰兒飲其乳致前證

者子母並宜服之

加減八味丸治稟賦腎陰不足或吐瀉久病津液虧

損口乾作渴或口舌生瘡兩足發熱或痰氣上湧

或手足厥冷等證

即地黃丸加肉桂壹兩五味子肆兩

簡

刀針

卷三

地黃丸治小兒肝經虛熱血燥或風客淫氣而患癩
癰結核或四肢發搐眼目抽動痰涎上湧又治腎
疳腦熱肢體消瘦手足如冰寒熱往來滑泄肚脹
口臭乾渴齒齦潰爛爪黑面黧遍身或兩耳生瘡
或耳內出水或發熱自汗盜汗便血諸血失音等
證其功不能盡述即六味地黃丸方見腎臟
八珍湯治氣血俱虛陰火內熱或因尅伐之劑脾胃
虧損肌肉消瘦等證即四君四物二湯方見虛勞
十全大補湯治氣血虛弱或稟賦不足寒熱自汗食
減體瘦發熱作渴頭痛眩暈最宜用之方見虛勞

灸小兒癩癰驚風目眩灸神庭一穴七壯在鼻柱
直上入髮際五分 小兒諸癰如噦吐清沫灸巨闕
穴三壯在鳩尾下一寸陷中是穴 小兒雞癰善驚
及掣目搖頭灸少陰二壯取法在掌後去腕半寸陷
中是穴 小兒驚癰者先驚叫乃發也灸頂上旋毛
中三壯及耳後青絡脉炷如小麥大 小兒驚癰灸
鬼祿一穴三壯取法在上唇內中央絃上是穴 小
兒食癰者先寒熱灑淅乃發也灸鳩尾穴上五分三
壯 小兒牛癰目視直腹脹乃發也灸鳩尾一穴三
壯取法胸蔽骨下五分陷中是穴 小兒馬癰張口

搖頭身折反馬鳴也灸僕參穴各三壯取法在足跟
骨下白肉際陷中拱取之是穴 小兒羊癇目瞪吐
舌羊鳴也灸第九椎下節間三五壯 按靈樞經云
暴攣足不任身取天柱天柱穴足太陽也又云癲癇
瘈瘲不知所苦兩躄之下男陽女陰潔古云晝發灸
陽躄夜發灸陰躄各二壯陽躄起於跟中循內踝上
行至咽喉交貫衝脉照海穴也

不治證

錢五癇重者死病後甚者亦死

小兒癇病

目直無聲目覩不轉眼生白障眼慢唇黑瞳人瞬動
目間青黑面青指黑口出涎沫如白膿口禁肚脹不
乳喉如牽鋸之聲多睡不乳身熱下血不乳身體痿
軟不醒腹內虛鳴唇逆而痛吐利不止汗出壯熱不
止卧久不寢身體反張大人脊下容一手小兒脊下
容一指並不治

淺故一切削而不載薛氏云中風之證西北方有之
東南氣濕痰理疎泄人患之者皆類中風也况小兒
元氣未充皮毛不固易感外邪表之則壯熱
聖氣瀰延滯甚至昏憤口噤即以此中風候以續命散

容一計並不常

土相人不察良醫又飛大人脊不容一手小兒脊不
痺不顛顛肉盡熱吞逆而能吐沫不吐我出此熱不
降却吹牽驗之熱診理不降良熱不血不降良醫察

中風

張渙等方有中風方論今見小兒絕無患者而用藥
多犯香燥恐血熱生風類中風證誤用之則為害不
淺故一切削而不載薛氏云中風之證西北方有之
東南氣溫腠理疎泄人患之者皆類中風也况小兒
元氣未充皮毛不固易虛易實外邪乘之則壯熱抽
掣氣麤涎涌甚至昏憤口噤即似中風候以續命等
湯投之多至不救大人且無真中况小兒乎凡有前
證當辨其因若陽明經氣虛風邪所乘筋脉拘急者

爲外因足厥陰肝火熾盛筋脉偏急者爲內因脾肺
虛弱腠理不密外邪乘入或驚風過服金石之劑耗
損肝血或吐瀉後內亡津液不能養肝致口眼喎斜
者皆肝血不足肝火生風之類中風之類證也

角弓反張

錢肝有風甚則身反張強直不搐心不受熱當補腎
治肝補腎地黃丸治肝瀉青丸 丹溪云瘳比瘳爲
虛宜帶補多是氣虛有火兼痰用人參竹瀝治之不
用兼風藥此論實發前人所未發湯氏雖云瘳候十
無一生蓋未嘗有此法施於人也 薛錢仲陽曰角
弓反張者由風邪客於太陽經也經曰風從上受足
太陽主周身之氣其脉起於目內眥而行於背肝屬
木主風所以風邪易侵也夫小兒肌膚未密外邪易

傷肝爲相火其怒易發若身反張強直發熱不搐者
風傷太陽也宜用人參羌活散小續命湯若因暴怒
而擊動其肝火者宜用瀉青丸若飲前劑其證益甚
者此邪氣已去而脾氣虧也宜用異功散加芎歸補
之若因肝經虛熱或因尅伐真氣虛熱生風者宜用
異功散地黃丸補之若因下而脾氣困憊腹肚膨脹
者此中氣損也宜用白朮散補之若氣血素弱或服
攻伐之劑而手尋衣領咬牙呵欠者肝經虛甚也急
用地黃丸以補之仍與肝藏參覽 一小兒忽腰背
反張目上視面青赤曰青屬肝主風赤屬心主火此
風火相搏用柴胡梔子散倍加鈞藤鈎頓安而痰如
舊又用抱龍丸而愈 一小兒忽腰背反張服治驚
之藥後不時舉發面色黃白肢體甚倦余用五味異
功散十餘劑而愈後因驚兼飲食不節不時舉發隨
用前藥卽愈遂日以參朮末每服五七分炮薑大棗
煎湯調下服至二兩而不發已上二證元氣虛而病
氣實也若用攻邪之藥皆誤矣 一小兒素患前證
痰盛面色素白而兼青余謂肺氣不能平肝肝氣乘
脾脾氣虛而生痰耳先用抱龍丸二服以平肝隨用
六君子湯以補脾肺月餘而痊半載之後復發謂非

逐痰不能全愈遂用下劑痰涎甚多而咽喉如鋸聲
余曰乃脾不能攝涎也咽間鳴乃肺氣虛甚也遂用
人參伍錢炮薑叁分水煎服而醒至第四劑後加棗
貳枚人參服數兩而愈後每發非獨參湯不應若執
常方鮮有不誤者

人參羌活散

方見驚搖

小續命湯

方見雜病中風

瀉青丸

方見肝藏

異功散

方見吐瀉

柴胡梔子散

方見積熱

抱龍丸

方見驚搖

六君子湯

方見吐瀉

灸角弓反張鼻上入髮際三分灸三壯

大椎下節

間灸三壯

湯氏曰身軟時醒者為癰身強直反張如弓不時
醒者為瘳瘳候十無一生

漸者為熱熱則十無一止

湯肝風搖頭諸方不載鄭都丞子患七年搖頭三年

下血已服百餘方前後所服治搖頭者無非風藥止

搖頭

血者或作痢或作腸風百藥無效予既視其病又知其詳亦不明其標本退而思之乃肝血液盛外有風熱乘之肝屬木盛而脾土為木所尅脾與肺是子母俱為肝所勝而血遂漬於大便故便血不止遂處一方但損肝祛風而益脾初亦一時之見只數服而愈十餘日後血止而下白膿遂得以安

清肝益胃丸

犀角屑

甘草 各壹分

瓜蒌根

黃耆 蜜炙

羌活

白芍藥 各半兩

蛇退皮 炙赤

釣藤鈎

麻黃 去節各壹錢

防風 伍兩

右爲末棗肉丸食後薄荷湯下只二服作効頭搖
卽止便血隨愈次間服胃風湯數日頓除沈舍人
子服之亦驗

薛經曰諸風掉眩皆屬肝木木得風則搖動乃肝經
火盛而生虛風也便血者風木搖動則土受凌虐而

不能統血也或食酸味過多以益其脾致令陰結經
曰結陰者便血一升再結二升三結三升又邪在五
藏則陰脉不和陰脉不和則血留之結陰之病陰氣
內結不得外行滲入腸間故便血也血亦有乳母恚
怒風熱熾盛或肝木傷脾使清氣不升或風邪侵入
大腸者治法若因風熱用柴胡清肝散若因怒火用
加味小柴胡湯若清氣不升脾氣下陷者用補中益
氣湯若風邪侵於大腸者用清肝益胃丸肝經血熱
妄行者用六味地黃丸脾土不能培肝木者用六君
柴胡釣藤鈎肝木勝脾土者用四君芍藥釣藤鈎結

陰者用平胃地榆湯 一小兒傷風咳嗽痰湧余謂脾虛肺弱腠理不密風邪外乘用六君子湯加桔梗桑皮杏仁而愈後飲食停滯作瀉腹脹仍用六君子加山查厚朴而安又停食作瀉服消導之藥更加咳嗽余謂當調補脾土不信自用發表尅滯前證益甚更加搖頭余以天麻散倍加釣藤鈎及異功散而愈 一小兒項間結核面色痿黃肌體消瘦咬牙抽搐搖頭搖目劓此肝木尅脾土也用六君子湯及九味蘆薈丸頓愈 一小兒病後遇驚卽痰甚咬牙抽搐搖頭作瀉恪服腦麝朱砂等藥以致慢驚而卒

海食療云蛇蛻皮主去風邪明目治小兒一百二十種驚癇寒熱痔蠱毒安胎熬用 治癇弄舌搖頭者宜用全蛻

余猶憶少時聞友人孫彭山云嘗見姻家一小兒患驚搐延專科治之諸證悉退而搖頭不止後一老醫至於常服藥中加入紫河車卽時愈按紫河車草名神農本經名蚤休唐本名金線重樓錢氏方名白甘遂主治驚癇搖頭弄舌乃本經正文古人謂遵白字療病多効不虛也

發生命... 宜用全... 余... 宜用全...

偏風口噤

薛小兒偏風者屬少陽厥陰肝膽二經證也噤者筋急由風木太甚而乘於脾以勝水濕則筋太燥然燥金主於收斂勁切故也又曰風之為病善行而數變或左或右其因一也治須審而藥之若足陽明胃經氣虛風邪所乘其筋脉偏急者屬外因若足厥陰肝經風熱乘脾筋脉偏急者屬內因若脾肺虛弱腠理不密外邪所乘或服金石之劑耗損肝血或吐瀉後內亡津液不能養肝致口眼歪斜或半身不遂諸證

偏風口噤 卷之十一 五

皆屬肝血不足肝火生風宜滋腎水養肝血壯脾土
治法脾胃虛而動風者異功散加柴胡釣藤鈎脾肺
虛而外邪所乘者用釣藤飲肝火血燥者用六味地
黃丸津液不足者用白朮散若兼目緊上視寒熱往
來小便淋漓面色青潔兩脇脹痛之類皆肝經之本
病也或唇口歪斜腹痛少食目胞浮腫面色青黃肢
體倦怠之類皆肝木乘脾之證也當審五藏相勝而
主之設執其見證槩投風藥反成壞證者有矣一
小兒口眼喎斜面色或青或赤此肝心風火乘脾也
朝用柴胡清肝散夕用異功散加釣藤鈎而愈其時

有患前證服祛風導痰之藥者皆不能起一小兒
痢後患前證發搐面色痿黃肢體倦怠此元氣虛尅
伐多矣余用補中益氣湯加釣藤鈎子服而漸愈後
因乳母七情飲食失宜或兒乳食過多前證仍作服
補中益氣湯五味異功散而愈
錢全蝎散 治小兒驚風中風口眼喎斜言語不正
手足偏廢不舉

全蝎 去毒炒

僵蠶 直者炒

川芎

黃芩 去心

甘草

桂枝

赤芍藥

麻黃 去節各壹兩

天麻 陸錢

大南星 湯泡米次去皮 臍切焙乾伍錢

右為麤末每服三錢水一鍾半薑七片煎七分温

服無時量大小與之一日三四服忌羊肉

胃風湯 治風冷乘虛入客腸胃水穀不化泄瀉注

下及腸胃濕毒下如豆汁或瘀血日夜無度

人參 白茯苓 芎藭

肉桂 當歸 白芍藥

白朮 各等分

右為散每服二錢入粟米數粒同煎食前服

口喎失音

論見前中風條

硃砂丸 治小兒口眼喎斜筋脉牽引

硃砂 伍錢 全蝎 炒 天麻

白附子 炮 僵蠶 炒去絲嘴 乾薑 炮

牛黃 各伍分 麝香 壹分

右為末粳米糊丸如黍米大每服三十九丸用薄荷

湯不拘時化服

全蝎散 治小兒口眼喎斜語言不清

全蝎 炒 川芎 黃芩

僵蠶炒去絲嘴

赤芍藥

甘草

硃砂

南星湯泡去皮臍焙

天麻各錢

右為細末每服一錢用生薑湯不拘時調服

寬氣飲 治小兒風痰壅滿風傷於氣不能言語

枳殼去穰壹兩

人參去蘆伍錢

天麻

僵蠶炒去絲嘴

羌活

甘草炙各錢

右剉碎每服二錢用水一盞生薑三片煎五分不

拘時服

木通湯 治小兒血滯於心心竅不通語言不出

木通

石菖蒲多用

防風

枳殼

全蝎焙

僵蠶炒

甘草

木香

南星炮各等分

右剉碎每服二錢用水一盞豬心三片生薑一片

紫蘇五葉煎至五分不拘時服

禁類正葉煎至正公不味却服
合陸谷良州二益用水一盞灌以三引坐蓋一斗
甘草 木香 南星 煎
全蠍 煎

天釣

內釣附

天釣亦驚風之證但天釣發時頭目仰視驚風則無也

湯氏法

湯小兒痰癇不定翻眼擡睛狀若神祟頭目仰視名為天釣凡有此疾宜服蘇合香丸灸兩手大拇指兩甲肉相半男先灸左女先灸右及兩足大姆指中間各三五壯又灸前後手心各五壯此皆得效之法九龍控涎散 治天釣

赤脚蜈蚣

酒塗灸壹條

滴乳

天釣

刀針

百毒

千金

各壹錢

天竺黃二味另研

臘茶

雄黃研另

甘草炙各

荊芥穗炒

白礬枯各壹錢

菘豆半生半炒壹百粒

右為末每服半錢人參薄荷湯調下

釣藤飲 治天釣潮熱

釣藤

人參

犀角屑各半兩

全蝎

天麻各貳分

甘草半分

右為末每服一錢水煎服

張氏法

張小兒心膈壅滯邪熱痰涎蘊積不得宣通或乳母飲酒食肉煩毒之氣流入乳中令兒宿滯不消邪熱

毒氣乘於心神致使驚悸眼目翻騰壯熱不休四肢

痙癎其病名曰天釣甚者爪甲皆青狀如神崇今集

經効名方治之於後

一字散 醒風爽精神

天南星

半兩微炮裂 蟬殼微炒

乾蝎

白殭蠶各壹分

右件搗羅為細末次入蕎麥麩壹分用醋石榴殼壹枚將諸藥入在石榴殼內以鹽泥封裹於竈下慢火上燒之泥乾燥為度取出再研勻每服壹字温酒調下

天約

刀科

百六

雙金散 治天釣驚風目久不下

蜈蚣 壹箇去頭尾用真酥塗慢火炙黃置砧

兩半箇左邊者入一貼子內寫左字右邊者亦入一貼子內寫右字不得交錯即大悞矣

麝香 壹錢細研先將左邊者同於乳鉢內研作

右邊字者入麝香同研極細却入右字貼內收

不得相犯每有病者眼睛釣上止見白睛兼角弓反張更不

右用細葦筒子取左字貼內藥少許吹在左邊鼻

裏右亦如之用藥不可多若眼未全下更添些小

以意量度其眼隨手便下即止

牛黃散 清心截風

牛黃 半兩 細研

硃砂 細研 水飛

麝香

天竺黃 並細研

蝎稍

釣藤 俱為末 各壹分

右件一處研勻每服壹字新汲水調下

白銀丹 治驚風涎潮

天南星 壹兩 一半炮 一半生用

白殭蠶 半兩

全蝎 各壹分

牛黃 研

麝香 研

粉霜 各半分 已上搗羅為細末 次用牛黃等同研勻用

水銀 半兩者 青州棗肉貳拾 箇同研水銀星盡成膏

右都和上件藥石臼內搗一二百下如黍米大每

服五粒至七粒薄荷湯下

抵聖丹 治驚風胸膈不利乳食不下

錫悵脂

壹兩細研水飛淘去黑水令盡

牛黃

研

鉛霜

細研

熊膽

各壹分研

麝香

半分研

蟾酥

壹錢研

右件通研勻粳米飯和如黍米大每服五粒至七粒新汲水下

薛氏法

薛天鈞者發時頭目仰視驚悸壯熱兩目反張淚出不流手足搐掣不時悲笑如鬼祟所附甚者爪甲皆青蓋因乳母厚味積毒在胃致兒心肺生熱痰鬱滯或外挾風邪為患法當解利其邪用釣藤飲上氣喘

癩者用烏蝎四君子湯內釣者腹痛多喘唇黑囊腫
偃僂及張眼尾赤此胎中受風及外驚所致若內藏
抽掣作痛狂叫或泄瀉縮脚內證一作外證亦然極
難調理內證服聚寶丹外證服釣藤飲進乳食者可
治若腹痛唇黑囊腫之類用聚寶丹若外驚內藏抽
搐之類用釣藤飲若因乳母醇酒厚味積毒在胃用
加味清胃散若因乳母鬱怒積熱在肝用加味逍遙
散加味歸脾湯俱加漏蘆子母俱服凡母食膏粱厚
味飼兒之時先擠去宿乳然後吮之 小兒因乳
母受驚發搐時日赤壯熱腹痛哭而曲腰用四物

柴胡防風又用加味逍遙散加熟地黃以清肝熱生
肝血再用地黃丸滋腎水以生肝木母子俱安 一
小兒曲腰而啼面青唇黑此寒氣所乘內釣腹痛也
用五味異功散加木香乾薑一劑與母服之頓愈後
因母感寒腹痛而啼用人參理中湯一劑與母服其
子亦安 一小兒曲腰乾啼手足並冷用六君加乾
薑木香服之未應又加肉桂母子俱服而愈 一小
兒忽乾啼作瀉睡中搐手足冷此脾土虛寒肝木侮
之而作發搐乃內釣也用益黃散一劑而安用四君
加柴胡升麻乳食漸進而安 一小兒乾啼面青或

赤手足並熱或用清熱之劑久不愈診其乳母有肝
火氣滯用加味逍遙散及越鞠丸以治其母時灌子
數滴不旬日子母並愈 一小兒患前證服魏香散
而愈後復作服祛風鎮驚之藥上氣喘麤此元氣虛
寒也余先用烏蝎四君子湯稍愈但倦怠殊甚用補
中益氣湯及五味異功散而痊 一小兒因母每感
寒腹痛飲燒酒發熱痰盛面赤手足並熱屬胃經實
熱之天釣也用清胃散子母服之並愈後因傷乳吐
瀉面色或青或白手足並冷屬脾氣虛寒用六君木
香乾薑而愈三歲後傷食腹痛唇黑作瀉數去後而

無糞或糞少而青此氣虛寒下陷用補中益氣湯漸愈
一小兒啼哭陰囊腫大眼目上翻赤脉流淚此
肝熱內釣用柴胡清肝散加釣藤鈎治之諸證漸愈
又用釣藤飲而痊後復發或用祛病根之藥致乳食
日少肚中脹痛手足浮腫余先用六君升麻柴胡數
劑諸證稍愈又傷乳食吐瀉用平胃散一服即愈
一小兒因乳母懷抱鬱結腹痛發搐久而不愈用加
味歸脾湯加蒲蘆母子並服漸愈又母大怒發厥而
甦兒遂食乳腹痛作瀉面青作嘔先用小柴胡湯二
劑母子並服少愈其母又嘔酸腹脹用越鞠丸加味

歸脾湯佐以加味逍遙散而痊

釣藤膏

魏香散

二方並見腹痛

釣藤飲 治小兒臟寒夜啼陰極發躁此方主之

釣藤

茯神

茯苓

川芎

當歸

木香

甘草

芍藥

各壹錢

右為末每服一錢薑棗水煎若心經熱臉紅舌白
小便赤澀用釣藤飲去木香加硃砂末壹錢木通
湯下

釣藤飲 治天釣風搐

天釣

初生

百病

釣藤

犀角

天麻

各柒分

全蝎

伍箇

木香

甘草

各伍分

右作一服水一鍾生薑三片煎至五分不拘時服

釣藤飲子

治驚風天釣卒然驚悸眼目翻騰

釣藤

炒伍分

麻黃

去節

甘草

炙各叁分

天麻

川芎

防風

人參

各柒分

全蝎

炒去毒伍箇

殭蠶

炒柒分

右作一服水一鍾生薑三片煎至五分不拘時服

乳香丸

治驚風內釣腹痛驚啼

乳香

半錢

沒藥

沉香

各壹錢

蝎稍

拾肆箇

雞心檳榔

壹錢半

右爲末蜜丸桐子大每服二三錢菖蒲釣藤鈎煎

湯下

木香丸

治全前

木香

全蝎

各伍分

沒藥

懷香

釣藤鈎

各壹錢

右各別爲末以大蒜研爛和丸桐子大曬乾每服

二丸釣藤煎湯下

牛黃丸

治小兒一切驚風五癇天釣客忤痰涎四

肢抽掣

天金

白花蛇

酒浸取肉

白附子

全蝎

川烏

壹隻重半兩生用去皮臍

天麻

薄荷葉

各半兩已上先為細末次入

雄黃

半兩

辰砂

叁錢

牛黃

壹錢

麝香

片腦

各半錢另研

右件為細末一處和勻麻黃去節貳兩酒壹升煎
 麻黃至一盞去麻黃用酒入蜜少許熬成膏劑前
 藥末為丸如芡實大用金箔為衣每服一九用薄
 荷湯化下大能發散風邪

塗頂膏 治天釣風備急

烏頭

生用去皮臍

芸臺子

各貳錢

右為末每用壹錢新汲水調敷兒頂上

天漿子散 治小兒天釣驚風

天漿子

炙

蝎稍

犀角屑

丹砂

另研

雄黃

另研

附子

去皮臍

南星

炮去皮

白附子

半夏

水銀

另研

乳香

另研

白殭蠶

膩粉

另研

牛黃

另研各壹錢

麝香

壹字另研

銀箔

伍片另研

右為細末和勻每服壹字用薄荷湯調下量兒大

天約

切斗

百廿

小加減服

青黛丸 治小兒天釣客忤五疳八痢十二種驚癇

青黛

天竺黃

乾蝦蟆壹箇黃泥包裏

燒赤去泥

乾蝸牛殼

黃連

人參

地龍去土

釣藤炒

龍膽草各貳錢半

蘆薈

熊膽各半兩

牛黃

麝香

雄黃

丹砂各壹錢

夜明沙去土淨

胡黃連各叁錢

右爲細末蒸餅糊爲丸如麻子大一歲三九空心米飲湯送下

再生散 治小兒天釣驚風潮搐項筋緊強手足厥

冷

烏蛇酒浸取肉

天麻

南星炮去皮

全蝎炒去毒各貳錢半

麝香

膩粉各伍分

丹砂貳錢另研

牛黃另研

白附子炮各壹錢

右爲細末和勻每服半錢煎金銀薄荷湯調下量兒大小加減服

三白散 治小兒盤腸氣釣先服此藥後服釣藤膏

白牽牛壹兩炒

白朮

桑白皮

陳皮

木通各叁錢

右爲細末每服半錢用生薑湯調不拘時服
廣利方治癩迷嚼舌仰視牛黃大豆許和蜜水調

古方

氏經民經

中黃民經

全融類聚

藿香

蘇合各

烏地西

天椒

南星各

今

再主婦 治小兒天陰驚風厥逆黃汗流涎愈手足攣

拘攣

續命湯 治小兒手足拘攣不能屈伸

麻黃

人參

黃芩

川芎

芍藥

甘草炙

防風

杏仁去皮尖炒

官桂去皮

防已

附子炮裂去皮臍各等分

右剉碎每服二錢水一鍾生薑三片煎至五分不

拘時服

追風散 治小兒感冒發熱手足拘攣

拘攣

拘攣

拘攣

折身 公和

人參 茯苓 防風

川芎 柴胡 羌活

枳殼 桔梗 甘草 各等分

右剉碎每服二錢水一鍾生薑三片煎至五分不

拘時服

手拳不展

張渙云小兒所受肝氣怯弱致筋脉攣縮兩手伸展無力薏苡丹主之

薏苡丹 治手拳不展

薏苡仁 湯浸去皮研細 當歸 洗焙 秦艽 去苗

防風 酸棗仁 炒 羌活 各等分

右為細末煉蜜和如芡實大每服壹粒至貳粒麝香荆芥湯化下不拘時候

聖惠方兒在胞母藏府虛為風冷所乘兒生肝氣不足致筋脉攣縮不得伸展故手拳不展薏苡仁散

前此加減以其平和故列於首

薏苡仁 柒錢五分 秦艽 防風

酸棗仁 微炒 甘草 微炙赤 各半兩 當歸 焙

桂心 各貳錢半

為散每壹錢水壹小盞煎五分不計時候量兒加

向學 手拳不展 刀斗二 百四七

減

羶羊角散 治兒手不展是風邪滯氣所客令榮衛

不通

羶羊角

羌活

五加皮

白蘚皮

桂心 各貳錢半

麻黃 半兩去根節

甘草 炙微赤壹錢貳分半

為散每服壹錢水壹小鍾煎伍分量兒加減不計

時溫服

脚拳不展

張渙云緣稟受腎氣不足者氣血未榮脚指拳縮無

力不能伸展海桐皮散主之

海桐皮散 治脚拳不展

海桐皮

當歸 湯洗焙乾

牡丹皮

熟地黃

牛膝 酒浸焙各壹兩

山茱萸

補骨脂 各半兩

右為細末每服壹錢水捌分入葱白貳寸煎至伍

分去滓溫服食前

聖惠兒在胞母藏府有積冷為風邪所乘生後腎氣不足氣血未榮故脚指拳縮不展宜當歸散

當歸 焙

麻黃 去根節各半兩

羌活

掛鐘

各二

百五

酸棗仁

微炒

人參

杜仲

微炙

桂心

各貳錢半

右為細末每服壹錢水壹小盞薑少許煎伍分量
兒大小乳前分減服

乾地黄丸

生地黄

郁李仁

湯浸去皮尖微炒各半兩

牛膝

防風

桂心

海桐皮

羌活

白茯苓

薏苡仁

各貳錢半

右為末蜜丸如棗豆乳前温酒下七丸量兒加減

驚馬癱鶴膝

曾肝者東方青龍木也其動則應於風病則主驚駭
諸熱引肝風有風則生痰有痰亦作搐小兒驚風之
際手足動掣當聽其自定然後療之免生異證或父
母見其病勢可畏從而按伏之豈知筋者肝之合也
臨病發時若按束其手足則筋不舒伸遂至經絡為
風所閉終為廢人內經曰頑弱名緩風疼重名濕痺
又有四肢痿痺不仁致手足稍脹痛不堪忍此風
毒之氣使然故傳曰風淫末疾是也凡小兒心悸不

驚馬癱鶴膝

初生

百五

汗亦不可
輕發
麻黃
湯尤
宜推
用

常及遍身腫痛或手足不隨此為驚癱候也若治之稍遲至臂腕膝脛骨節之間流結頑核或膝大而腫肉消骨露如鶴膝之狀或為癱為瘰此名鶴膝候也已上形證并宜發汗為先使腠理開通則風熱可除有濕亦去用百解散和吹咀五苓散倍加麻黃水薑葱煎服微得汗為度或以麻黃湯發散尤佳次防已湯祛風散及獨活湯加桑寄生投服并防風湯或黑虎丹作小丸子間服使風不生而痰不作則其疾易愈若為癱為瘰重者用黑牽牛半生半炒略研碎煎無灰酒調下五苓散以除流注之寒濕則腫毒可消如大腑閉而不通此是風熱內蘊其右腮紅紫及右手三部脉浮而實滑宜五和湯或當歸散枳殼丸治之其加減之法尤在臨機審處若泥一方非良醫也前證更宜間服排風湯

薛鶴膝風者其腿漸細其膝愈羸狀如鶴膝是以名之此因稟腎經不足外邪所乘而患之初則膝肉作痛外色不變伸屈艱難若一二月間焮腫色赤而作膿者可治腫硬色白而不作膿者難治初起者用大防風湯為主佐以益氣養榮湯膿成者用補中益氣湯為主佐以大防風湯切勿用十宣流氣等藥若不

潰不斂或發熱等證者須調補脾胃為善否則必變敗證矣

大防風湯 治鶴膝風腫痛不消或潰而不斂

附子 炮

牛膝 酒炒各壹錢

白朮

羌活

人參

防風 各貳錢

杜仲 去皮薑製

川芎

肉桂 去皮

黃耆 炒

熟地黃 自製

芍藥 炒各壹錢伍分

甘草 壹錢

右每服三五錢水煎仍量兒大小用之

獨活寄生湯

獨活

桑寄生

杜仲 炒

細辛

牛膝 酒炒去土

秦艽

茯苓

白芍藥 炒

桂心

川芎

防風

甘草

人參

熟地黃

當歸 各等分

右每服二三錢水煎空心乳母同服

益氣養榮湯 療癰

百解散 驚

五苓散 驚

麻黃湯 傷寒

防已湯 治感冒風濕之氣失於解表流注兩足疼

痛至兩膝浮腫不能屈伸傳成癱瘓

防風湯

防巴去黑皮

麻黃去節存根功全表裏剉碎湯泡濾過焙乾用

薄桂去麤皮各半兩

赤芍藥

赤茯苓去皮

蒼朮米泔水浸一宿去麤皮濾剉片火炒至微黃各壹兩

甘草炙末錢半

右件咬咀每服二錢水一盞薑二片葱一根煎七分

分空心熱服或入薤白同煎

祛風散 治卒暴中風不能言全口眼喎斜驚癱搯

掣痰實煩躁神昏有熱睡卧不穩

防風去蘆

南星生用

甘草生用

半夏製

黃芩各壹兩

右碎每服二錢水一盞半薑三片慢火煎七分不

拘時溫服

獨活湯 治驚癱鶴膝及中風濕日久致腰背手足

疼痛晝輕夜重及四肢痿痺不仁

川獨活黃色如鬼眼者佳半兩

當歸酒洗

白朮

黃耆蜜水

薄桂去麤皮

川牛膝酒洗各貳錢半

甘草炙叁錢

右件咬咀每服二錢水一盞薑二片薤白一根煎

七分空心熱服或無時

防風湯驚

黑虎丹 治諸般風證

卷之二十一

方十一

百五十二

驚癱雀胎

女牙二

百五

草烏

去黑皮壹兩生用

川烏

去黑皮生用

甘草

各米錢半

麻黃

根節不去

甘松

熟乾地黄

淨洗

藿香葉

白芷

油煙墨

燒存性

豬牙皂莢

川芎

當歸

何首烏

商星

生用

殭蠶

去絲

赤小豆

羌活

白膠香

木鼈子

去油各半兩

右件剉碎或焙或曬研為細末糯米粉煮糊丸麻仁大每服三十九至五十九或七十九粒空心用淡薑湯下兒小者丸作粟穀大治法如前

五和湯

熱

當歸散

熱

枳殼丸

大便秘

排風湯

治中風狂言失音不語精神昏困驚癱鶴

膝等證及腫疾纔愈後偶感外風滿面遍體虛浮

並宜可服

白蘚皮

白朮

白芍藥

薄桂

去麤皮

防風

去蘆

川芎

當歸

酒洗

杏仁

湯泡去皮尖

甘草

炙各半兩

川獨活

麻黃

去根節

白茯苓

去皮各米錢半

右每服二錢水一盞薑二片煎七分無時溫服

女烏雞烏黍

刀斗二

百五

蘇州府志

卷之二

七

蘇州府志

卷之二

七

蘇州府志

卷之二

七

蘇州府志

蘇州府志

蘇州府志

蘇州府志

蘇州府志

蘇州府志

蘇州府志

